

蜀

故

五

蜀故卷十九

物產

宋祁益部方物贊

益為西南一都會左阻劍門右負夷番

陞盛氣凝而不得東回薄蜿蜓還負一方為珍木為

惟草為鳥魚羊稻之饒日暘雨雨噓和吐妍層出雜

見不可勝狀殆炭精縕靈示完富瓊瑤於茲壤也嘉

物二十之八種按名索實尚未之盡故遍詢西人又益

數十物列而圖之物為之贊圖視狀贊言生之所以

然更名益部方物畧記一凡東方所無及有而自異皆

取之冀裨風土聚丘之一云

海欖棟子今城中有四株杜海欖行理綴縣堅風雨

不能



櫟皆視皮此獨自幹攢葉於顛纛首披散秋華而實其植

則罕楠蜀地最宜者生童童若幢蓋然枝葉不相礙茂

陳新相換有花實似母丁香云

在土所宜亭擢而上枝枝相避葉葉相讓繁陰可庥美幹

斯仰檜亦蜀所宜民家蔭之不三年材可倍常薪之

厥植易安數歲輒林民賴其用實代其薪不棟不梁亦被

斧斤竹柏生我眉山中葉繁長而澤似竹然其幹大抵類柏而亭直

葉與竹類綴理如柏以狀得名亭亭修直

海芋生不高四五尺葉似芋而有幹根皮不可食方家號隔河僊云可用變金或云能止瘡

木幹芋葉擁腫盤戾農經弗載不用治厲

紅豆 花白色實若大紅豆以似得名葉如冬青蜀人以為果釘

葉圓以澤素藹春敷子生莢間纍纍如珠

紫竹 蜀諸山中九多園池亦種為玩然生二年色乃變三年而紫

竹生二歲色乃變紫伐幹以用西南之美

慈竹 性叢生根不外引其密間不容筍筍生夏秋闕歲餘枝葉乃茂別有數種節間容八九寸者曰

籬竹 一尺者曰苦竹弱植垂地者曰鉤絲竹或取節修膚織者用為簞笠

根不他引是得慈名中實外堅筍不時萌或下垂苒弱綠

綠紫

欒竹

亦叢產葉似欒有刺徑不三寸或曰桃竹未得其詳

葉欒身竹族生不蔓有皮無枝實中而幹

方竹

方者差小

竹箇皆圓此獨方形厚倍於竅細節圓稜衆方寡取貴缺

柑

生果渠嘉等州結實堪於江南味亦差薄云

碧菓素葩厥包之珍丹衷既披香液飴津

赤羊

蜀羊多種鷓鴣羊為最美俗泥赤鷓鴣羊頭但子不繁衍形長而圓又有蠻羊亦美其形則圓子繁

衍人多

多蒔之最下為搏果子搏接也言可接栗山中

羊蓮

羊多食之惟野羊人不食本草六青羊白羊紫羊真

羊野

羊

芋種不一鵲芋則貴民儲於田可用終歲

綠藟

北方葡萄熟則色紫今色正綠云

西南所宜柔蔓紛衍縹穗綠實其甘可薦

天師栗

生青城山中他處無有也似栗味美惟獨房為異久食已風變

栗類尤衆此特殊味專蓬若橡託神以貴

天僊果

樹高八九尺無花其葉似荔枝而小子如櫻桃累累綴枝間六七月熟味至甘

有子孫枝不蘄而實薄言采之味埒蜂蜜

隈支

生邛州山谷中樹高丈餘枝修弱花白實似荔枝肉黃膚甘味可食大若爵卯

挺幹既修結藟茲白戟外澤中甘可以食

錦被堆花出彭州其色似薔薇有刺不可玩俗謂薔

花下

花跗芬侈叢刺於梗不可把玩豔以妍整

錦帶花蜀山處處有長蔓柔纖花萼間側如藻帶然因象作名花開者形似飛鳥故里人亦號曰

鬢邊嬌

冉冉其條若不自持綠葉月英蔓衍紛垂

石蟬花始生其條森擢長二三尺葉如菖蒲紫萼五出與蟬甚類綠黃相廂蜀人因名之又白者

號玉蟬花

有茗穎然有萼敷然取其肖象莫類於蟬

長生草

山陰蕨地多有之修莖茸色似檜柏而濯經冬不凋損故號長生

色與柏類萑萑其莖冬不甚黃故謂長生

瑞草

蜀人多種之庭檻蔓延長三四尺珍而愛之故謂之瑞草

翠蔓紺茗回繚可喜蔣之庭堂珍以為瑞

紅蕉花

於芭蕉蓋自一種葉小其花鮮明可喜蜀人語深紅者謂之蕉紅蓋倣其殷麗云

蕉無中榦花產葉間綠葉外敷絳質凝殷

重葉海棠

海棠大抵數種又皆小異惟其盛者則重葩疊萼可喜非有定種也始濃稍淺爛若

錦章北方所植率枝強字瘠殊不可玩故蜀之海棠誠為天下第一云

修柯柔蔓濃淺繁總盛則重蔕不常厥種

月季花

此花即東方所謂四季花者翠蔓紅萼
少霜雪此花得終歲一十二月月輒一開

花旦四時月一披秀寒暑不改似固常守

佛豆

粒甚大而堅農夫不甚種惟園人
以為利以鹽漬食之小兒所嗜

豐粒茂苗豆別一類秋種春歛農不常蒔

添色拒霜花

生彭漢蜀州花常多葉始開色白
明白稍紅又明日則若桃花然

自濃而淡花則常態今顧反之亦反之懽

黃荼蘼

蜀荼蘼多白黃者時時
有之但香減于白花

人清尚奇賤白貴黃厥英略同實寡於香

艾子

艾木大抵果莢類也實正綠味辛蜀人每進羹
以一二粒投之少選香滿盂或曰作為膏

元區按揚雄蜀都賦當作藪藪又同字云

綠實若莢味辛香必投粒羹臠椒桂之匹

鴛鴦草

春葉晚生其稚鴛在葉中兩兩相向如飛鳥對翔

翠藹對生甚似匹鳥逼而觀之勢若偕矯

仙人縮

生大山中與苔同種但宕陰石隈多鮮翠長二三尺叢垂若縮或言深谷有長丈餘者

附陽而生垂若文縮大概苔類土石所交

娛美人草

蜀中傳虞美人草予以虞作娛意其草柔纖為歌氣所動故其葉至小者或動搖美

人以為娛樂耳

翠莖纖柔稚葉相當逼而歌之或合或張

羞寒花

蜀地處處有之不為人所愛依莖綴花蔽葉自隱俗曰羞天花卉意為羞寒花按本草名

目曰鬼

冒寒而茂莖修葉廣附莖作花葉蔽其上以其自蔽若有

羞狀

瑞聖花

出青城山中幹不條高者乃尋丈花率秋開四出與桃花類然數十附共為一花繁密若

綴先後相繼而開九閱月未萎也蜀人號瑞聖花然有數程相國琳為益之年繪圖以間更號瑞聖花然有數種若小者號珎仙淺紅者為醉太平白者名玉真成都人競移時園中以為尤玩云

衆珎聚英爛若一房有守繪圖厥名乃章繁而不豔是異

衆芳

七寶花

條葉大抵玉蟬花類也其生叢蔚花紫色絳云

擢穎挺挺盛夏則榮丹紫合英以寶見名

旗節花

條條華碧皆層層而擢正類使所持節然故以名見益州圖經

擢條亭亭層層紫丹狀若使節方圖實刊

娑羅花

生我眉山中類枇杷數能合房春開葉在表花在中或言根不可移故俗人不得為玩

聚葩其房葉附華外根不得徙見傳斯世

木蓮花

生峨眉山中諸谷狀若芙蓉香亦類之木幹花夏開枝條茂蔚不為園圃所蒔

葩秀木顛狀若芙蕖不實而榮馥馥其敷

鵝毛玉鳳花

本至卑纖蓬如釵股秋開不蕩而鬢狀似禽故曰鳳色白故曰玉以其分至輕

故曰
鷺毛

華而無采狀類翔鳳公質毛輕翩欲飛動

菊

出渝瀘威茂等州即漢唐蒙所得者葉如王瓜厚而澤實如桑椹綠木而蔓子熟時外黑中白長三

四寸以蜜藏而食之辛香能溫五臟或用醬善和食味或言即南方所謂浮留藤取葉合楨櫚食之

蔓附木生實若椹纍或曰浮留南人謂之和以為醬五味

皆宜

真珠菜

戎瀘等州有之生木中石上翠縷纖蔓若貫珠蜀人以蜜熬食之或以醢煮可行數千里

不腐也

植根水中端若串珠皿而瀹之可以代蔬

朝日蓮花色或黃或白葉浮水上翠厚而澤形如菱

下若葵藿傾大陽之狀

素花碧葉浮秀波面日中則向日入還斂

蟬花二川山林中皆有之蟬之不蛻者至秋則花其頭長一二寸黃碧色治小兒瘕縱又能已瘡

蟬不能退委於林下花生厥首茲謂物化

燭麻自劍以南在在之或觸其葉如峰蟄人以溺
腫按杜詩當作蕤
灌之即解莖有刺葉似花葉或青或紫善治風

葉能螫人有花無實冒冬弗悴可以祛疾

水硃黃出資榮州山間中秋潦已收里人布茅水上流沫擁聚取而熬之復投于水則成別真珠

黃以淺黃色者為上
其用次海舶所采者

厥生在石水蕩其液觸梗凝體品亞南舶

附子生縣州彰明縣者最良有一子重及一兩者花
色紫本草言附子無正種附烏頭而生然則與

烏頭天雄共一物耳陶宏景以天雄烏頭附子皆出
建平謂之三建唐人非之以縣龍二州所生者為良

今則為彰
明者佳

俯董而生翠莖紫莖生蜀者良三建則非

石瓜生我眉山中樹端挺葉肥滑如冬青甚似桑花
色淺黃實長不圓殼解而子見以其形似瓜里

人名之煮為液
黃善能治癰

條條澤葉結實如綴膚解核零可用治癰

芎蜀中處處有之葉為藤蕪楚詞謂江離者根為芎
香似雀腦者善成都九月九日藥市芎與大黃如積
時可用作羹葉不萎以蜀少寒也今醫家最貴川芎

川大黃云

柔葉美根冬不隕零采而掇之可糝於羹

大黃

蜀大山中多有之尤為東方所貴苗根皆長盈二尺本草言之尤詳藥市所見大者治之為枕

紫地錦文唐人以為產蜀者性多如巴之豆峽之椒
飛似牛舌堅緻者善蜀生藥尚多如巴之豆峽之椒
梓之厚朴
尚數十輩

葉大莖青根若巨血治疾則多方家所詔

音

餘甘子

生戎廬等州山樹大葉細以槐實若李而小
咀之前澀後飲飲有味故號為餘甘核有稜

或六或七解硫黃毒即
本草所謂菴摩勒者

黃葩翠葉圓實而澤咀久還甘或號菴勒

金星草生我眉青城山葉似萱草其背有點雙行相偶黃澤類金星人號金星草亦云金釧草皆

以肖似取之今醫家以傳疽瘡甚良

長葉叢生背點星布高鑒近識傳疽可愈

桐花鳳二月桐花始開是鳥翔翔其間丹碧成文纖

為鳳或為人捕置樊間飲以蜜漿哺以炊粟可以閱歲蜀土以繪扇唐李衛公嘗為賦

金花之露俗曰鳳類綠羽纖爪藻背翠尾花落則隱以是

見貴